

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya
No. Telefon : 03-8882 5562
No. Fax : 03-8882 5569

ISU TULAR SOTONG RING SEJUK BEKU YANG DIDAKWA MENGANDUNGI REKTUM BABI

PUTRAJAYA, 16 Mac 2022 – Kementerian Perdagangan Dalam Negeri dan Hal Ehwal Pengguna (KPDNHEP) mengambil maklum isu yang tular di media sosial berhubung sotong *ring* sejuk beku yang dikatakan mengandungi rektum babi. Ia bermula daripada satu tangkap layar yang ditularkan oleh seorang pengguna yang mendakwa bahawa sotong *ring* yang mengandungi rektum babi itu ditemuinya di sebuah premis di Negeri Perlis.

2. Bertindak ke atas aduan yang tular itu, Bahagian Penguat Kuasa KPDNHEP telah menjalankan pemeriksaan dan siasatan ke atas beberapa premis di peringkat peruncit, pemborong, pengedar dan pengimport produk terbabit di sekitar Negeri Perlis, Kedah, Pulau Pinang, Selangor dan Johor Bharu.

3. Hasil pemeriksaan dan siasatan yang telah dijalankan, beberapa produk ditemukan dan pihak KPDNHEP telah mengambil tindakan dengan menyita kesemua produk terbabit bersama beberapa dokumen perniagaan lain untuk siasatan lanjut. Sampel-sampel daripada produk terbabit telah dihantar kepada Jabatan Kimia Malaysia untuk tujuan mengenalpasti sama ada produk terbabit mengandungi DNA babi atau sebaliknya.

4. Susulan itu, melalui keputusan yang diterima daripada Jabatan Kimia Malaysia telah mengesahkan bahawa **tiada DNA babi dikesan di dalam sampel terbabit.**

5. Pihak KPDNHEP ingin menasihati pengguna agar berhati-hati di dalam menyebarkan maklumat-maklumat terutama dalam media sosial termasuklah isu berkaitan halal kerana ia boleh mendatangkan kegusaran kepada orang ramai.

6. Orang ramai yang mempunyai maklumat dinasihatkan supaya membuat aduan mengikut saluran yang betul berserta maklumat yang lengkap kepada pihak berwibawa termasuk KPDNHEP melalui saluran aduan berikut:

- i. WhatsApp 019-279 4317
- ii. Portal Aduan; e-aduan.kpdnhep.gov.my
- ii. Call Centre 1-800-886-800
- iii. Emel e-aduan@kpdnhep.gov.my
- iv. Ez ADU KPDNHEP
- v. Pusat Arahan Penguatkuasaan (ECC)
03-8882 6088/6245

YB Dato Sri Alexander Nanta Linggi

Menteri Perdagangan Dalam Negeri
dan Hal Ehwal Pengguna

PUTRAJAYA,

16 Mac 2022

LATAR BELAKANG

Kementerian Perdagangan Dalam Negeri dan Hal Ehwal Pengguna (KPDNHEP) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran. Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidakpastian. Perdagangan pengedaran perlu kukuh bagi menampunkan sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkapi dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam berurusan niaga, dan hasilnya adalah negara yang seimbang dari segi ekonomi dan sosial.

Agensi di bawah KPDNHEP :

